


## 2017-imi atualinnginnermi ulluunerani neqeroorutit, kommunini kisitsisit pingaarnerit

### 2017-imi atualinnginnermi ulluunerani neqeroorutit

2017 qaammat januaarimi pisortat atualinnginnermi ulluunerani neqeroorutaanni meeqqat 3.502-t allatsissimapput, taakkunannga meeqqat 0-inik ukiullit 191-it, 1-2-nik ukiullit 1.345-it, 3-5-inik ukiullit 1.950-it aammalu meeqqat arfinilinnik amerlanernilluunniit ukiullit 16-it. Taamaasilluni meeqqat 0-5-inik ukiullit tamakkerlutik 74,4 procentii atualinnginnermi ulluunerani neqeroorutini allatsissimapput. Amerlassutsit kisinneqarnerisa takutippaat meeqqat atualinnginnermi ulluunerani neqeroorutini allatsissimasut agguaqatigiissinnerat, innuttaasuni meeqqat tamakkerlutik amerlassusaannut naleqqiullugu.

### Titartagaq 1. Meeqqat atualinnginnermi ulluunerani neqeroorutini allatsissimasut amerlassusaat, kommunit aammalu immikkoortortaqarfiit malillugit



Najoqqutaq: <http://bank.stat.gl/OFNUKN1>

Amerlassutsimut kisitsinnermi meeqqat atualinnginnermi ulluunerani neqeroorutini allatsissimasut 0-5-inik ukiullit aammalu 6-inik ukiullit ataasiakkaat tamakkerlugit ilaatinneqarput. Innuttaasuni meeqqat 0-5-inik ukiulinnut naatsorsorneqarput, 6-inik ukiullit ataasiakkaat allatsissimasut ilanngullugit.


### Pisortat atualinnginnermi ulluunerani neqeroorutaanni sulisut

2017-imi pisortat atualinnginnermi ulluunerani neqeroorutaanni piffissaq tamakkerlugu sulisutut atorfillit 1.095-iusimapput. Atualinnginnermi ulluunerani neqeroorutini sulisut tamakkerlutik arnanik

sulisoqarajunnerupput, 2017-imilu arnat piffissaq tamakkerlugu sulisut 1.059-usimapput angutillu piffissaq tamakkerlugu sulisut 37-usimallutik.

Paaqqinnittarfinni sulisut eqimattanut tallimanut agguaassimapput: Pisortanut, perorsaasunut, perorsaanermi ilinniarsimasunut, perorsaasunut ikiortinut aammalu igaffimmi eqqiaanermilu sulisunut. Pisortat aammalu igaffimmi eqqiaanermilu sulisut tapersersuisutut/ikorfartuisutut sulisunik taaneqarsinnaasut sulisut tamakkerlutik 20,5 procentiinik annertussuseqarput. Perorsaasut, perorsaasutut ilinniarsimasut aammalu perorsaasunut ikiortit tamarmik meeqqanut paaqqinnittutut sulisunik (meeqkerisutut) naatsorsorneqarput. 2017-imi meeqkerisut 16,3 procentii perorsaasuupput, 31,3 procentii perorsaanermik ilinniarsimasuullutik aammalu 52,4 procentii perorsaasunut ikiortiullutik.

## Titartagaq 2. 2017-imi meeqqanut paaqqinninnermik sulisut, amerlassusaat aammalu procentinngorlugu agguaqatigiissinnerat




Najoqutaq: <http://bank.stat.gl/OFNUKN1>

### Meeqqat meeqkerisumut ataatsimut amerlassusaat

Meeqqat ukiuini agguataarsimasuni assigiinngitsuni sanilliunniarlugit aammalu meeqqat meeqqamut paaqqinnittumut ataatsimut kisinniarlugit meeqqat amerlassusiisa uuttuutaannik kisitsisoqarpoq. Periaatsip immikkoortuani taaguut annertunerusumik nassuarneqarpoq. Tunngaviusorli tassaavoq meeraaqqerivimmiittoq ataaseq 1,67-inik meeqqat amerlassusaannut uuttuuteqartoq, meeqkerivimmiorlu ataaseq aamma meeqqat amerlassusaannut 1-imik uuttuuteqarluni. 2017-imi nuna tamakkerlugu meeqqat amerlassusiisa uuttuutaat meeqkerisumut ataatsimut agguaqatigiissillugu 5,2-usimavoq. Meeqqat meeqkerisumut ataatsimut amerlassusaannut meeqqat sulisullu akornanni pissutsit apeqquataasarput, assersuutigalugu amerlassusaannut kisitsit annikippat meeqqat ikinnerunerannik imaluunniit sulisut amerlanerunerannik peqquteqarsinnaavoq.

**Titartagaq 3. Atualinnginnermi ulluunerani neqeroorutini meeqqerisumut ataatsimut meeqqat amerlassusiisa uuttuutaat, kommunit aammalu immikkoortortaqarfiit malillugit**



Najoqqutaq: <http://bank.stat.gl/OFNUKN1>

**Meeqqanut sulisunullu naatsorsuutit tamakkerlugit**

Tabel 1.-imi meeqqat amerlassusaat ukiuinut tulleriaarlugit aammalu piffissaq tamakkerlugu sulisut suliaqarfinnut kommuninullu immikkoortiterlugit naatsorsorneqarput. Taamatutaaq kisitsisaataasivimmi immikkoortortaqarfik, neqeroorutiniittut aammalu najugaq malillugit naatsorsuutit takuneqarsinnaapput.

**Tabel 1. 2017-imi meeqqat ukiuinut tulleriaarneri aammalu sulisut, kommunit malillugit**

	Katillugit	Kommune Kujalleq	Kommuneqarfik Sermersooq	Qeqqata Kommunia	Qaasuitsup Kommunia
Meeqqat ulluunerani neqeroorutiniittut tamakkerlutik	3.502	400	1.383	659	1.060
Meeqqat 0 ukiullit	191	17	68	49	57
Meeqqat 1-2-nik ukiullit	1.345	171	530	244	400
Meeqqat 3-5-nik ukiullit	1.950	212	782	364	592
Meeqqat 6-inik ukiullit qummullu	16	0	3	2	11
Pisortat	66	9	22	15	20
Perorsaasut	142	8	64	24	46
Perorsaasutut ilinniarsimasut	272	49	93	53	77
Perorsaasunut ikiortit	456	41	214	86	115
Igaffimmi eqqjaanermilu sulisut	159	28	54	18	58
Piffissaq tamakkerlugu sulisut	1.095	135	447	196	318
Meeqqat amerlassusaasa uuttuutaat	4.526	525	1.782	854	1.365
Perorsaasut meeqqanut paaqqinninnermi (pct.)	16,3	8,1	17,3	14,6	19,5
Meeqqat meeqqerisumut ataatsimut amerlassusaat	5,2	5,4	4,8	5,3	5,7
Meeqqat 0-5-inut allatsissimasut amerlassusaat (pct.)	74,4	76,2	74,8	86,1	67,7
Ulluunerani neqeroorutiniittut	132	14	45	21	52

Najoqqutaq: <http://bank.stat.gl/OFNUKN1>

## **Periaaseq**

Pisortat atualinnginnermi ulluunerani neqeroorutaat (ulluunerani neqeroorutit) uani naatsorsorneqartut tassaapput meeraaqqeriviit, meeqqeriviit, tamakkiisumik paaqqinnittarfiit, ulluklut paaqqinnittarfiit aammalu ullormut paaqqinnittarfiit sullissiviusut. Paasissutissat pisortat atuareernermi paaqqinnittarfiinut, imaluunniit atuarfiup avataani ulluklut meeqqanut paaqqinnittarfinnut allanut tunngasut paasissutissani ilaatinneqanngillat. Naatsorsuutinittaaq ilaatinneqanngillat atualinnginnermi inissiisaarfiit namminersortut imaluunniit ulluklut paaqqinnittarfiit namminerisamik ingerlatat kommunit aqqissuussaangitsut. Naatsorsuutini piffissaq kisitsiviusoq qaammat januaarimi pivoq.

Ulluunerani neqeroorutit kisitsisai pingaernerit najoqqutat taaneqartut tunuliaqutaralugit naatsorsorneqarput:

- Pisortat ulluunerani neqeroorutaanni kommunit allaffissornikkut ingerlatsiviannit Winformatik-imit meeqqat allatsissimasut nalunaarsuutaat
- Naatsorsueqqissaartarfiup pisortat suliffeqarfiutaanni atorfilinnut nalunaarsuiffianit
- Naatsorsueqqissaartarfiup inunnut nalunaarsuiffianit
- Kommunit igaffimmi eqqiaanermilu sulisut pillugit paasissutissaataannit

## **Meeqqat**

Meeqqat ulluunerani neqeroorutini pineqartut ukiunut tulleriaanut 0-2-nik ukiulinnut, 3-5-inut ukiulinnut aammalu 6-inik ukiullit utoqqaanernullu agguaanneqarput. Meeraaqqerivinniit meeqqerivinnut nuunneq nalinginnaasumik pisarpoq meeqqat pingasunit ukioqaleraangata. Taamaattumik meeqqat 0-2-nik ukiullit meeraaqqerivinniittutut naatsorsorneqarput meeqqallu pingasunik ukioqalereersimasut meeqqerivinniittutut naatsorsorneqarlutik.

Meeqqat amerlanerit tamakkiisumik meeraaqqerivimmiunut meeqqerivimmiunullu paaqqinnittarfinniikkajunnerusarput, meeqqalli inini immikkoortuniissinnaasarlutik. Paaqqinnittarfinni assigiinngitsuni sulisunik atuinerit sanilliunnarlugit meeqqat amerlassusiisa uuttuutaannut taajuut pilersinneqarpoq.

Meeqqat amerlassusiisa uuttuutaat meeraaqqerivinni sulisut kisinneqarneri nalinginnaasumik meeqqerivinni sulisut kisinneqarnerinit annertunerunerata matussuserpaa. Meeqqat amerlassusiisa uuttuutaannut kisitsinnermi atualinnginnermi ukiulinnut perorsaanikkut ineriartuutaasussamik meeqqanut neqeroorummut inatsisiliussaqaq tunngavigineqarpoq. Uanilu aalajangiunneqarpoq meeraaqqerivinni sulisut kisinneqarnerat minnerpaaq meeqqamut ataatsimut 1,67-inik amerlatigisunik meeqqerivinni sulisut kisinneqarnerinit annertunerussasoq.

Paaqqinnittarfik pingasunik meeraaqqerivimmiuutilik aammalu marlunnik meeqqerivimmiuutilik tassa: Meeraaqqerivimmiut pingasut\*1, 67 meeraaqqerivimmiut meeqqat amerlassusiinut/uuttuutaannut ataatsimut + meeqqerivimmiut marluk \*1 meeqqerivimmioq meeqqat amerlassusiinut/uuttuutaannut ataatsimut = meeqqat amerlassusaat/uuttuutaat arfineq marluk

**Sulisut**

Ulluunerani neqeroorutini sulisut ukiumoortumik piffissaq tamakkerlugu sulisutut naatsorsugaapput (piffissaq tamakkerlugu atorfilittut). Sulisullu eqimattanut tallimanut agguaanneqarput; pisortanut, perorsaasunut, perorsaanermi ilinniarsimasunut, perorsaasunut ikiortinut aammalu igaffimmi eqqiaanermilu sulisunut. Perorsaanermik ilinniarsimasuni pineqarput ilinniakkat sivikinnerusut perorsaanernik imaqtartut soorlu meeqqanut ikiortit imaluunniit inunnut isumaginninnermi aammalu peqqissaanermi ikiortit.

Ulluunerani neqeroorutit kisitsisaasa pingaarnerit kisinneqarnerini naatsorsuutigineqarpoq perorsaasut, perorsaanermik ilinniarsimasut aammalu perorsaasunut ikiortit suliaat pingaarneq tassaasoq meeqqanik paaqqinnineq. Pineqartullu sulisut eqimattakkaarnerini meeqqanik paaqqinnittutut sulisunik naatsorsuutini taaneqarput. Pisortat aammalu igaffimmi eqqiaanermilu sulisut meeqqanik paaqqutarinninnerunngitsumik suliaqtartut naatsorsuutigineqarput. Ulluunerani neqeroorutini sulisut naatsorsorneqarnerini meeqqanut atualinnginnermi ukiulinnut perorsaanermi ineriartuutaasussamik neqeroorutit inatsit malinneqarpoq.

Sulisunik eqimattakkaarineq ilinniarsimanermut atorfiullu nassuiarneqarneranut pisortat akissarsialeriviannit paasissutissat tunuliaqutaralugit pivoq. Ilinniarsimanngitsut atorfinnut eqimattakkuutaarlugit agguaanniarlugit sulisunut meeqqanut paaqqinninnermik suliaqanngitsunut, soorlu igaffimmiunut, eqqiaasunut allanullu ilassutitut paasissutissanik kommuninut aallernissaq pisariaqarsimavoq.

Tabel 1. Atualinnginnermi ulluunerani neqeroorutini sulisut eqimattakkaarneri

Tapersersuisutut/ikorfartuisutut sulisut	Meeqqanik paaqqinninnermik sulisut
Pisortat	Perorsaasut
Meeqqerivinni pisortat	Perorsaasutut piginnaasallit
Meeraaqqerivinni pisortat	Pædagogassistentit
Igaffimmi sulisut il.il.	Socialassistentit
Eqqiaanermi sulisut	Isumaginninnermi ikiortit
Allaffimmi sulisut	Peqqinnissamut ikiortit
Ilinniartut	Ullukkut paaqqinnittartut
	Perorsaanermi ikiortit

**Kisitsisit pingaernerit**

*Perorsaasut meeqqanut paaqqinninnermi sulisutut agguaqatigiissinnerat*  
Sulisut agguaqatigiissinnerini tamakkiisumik meeqqanik paaqqinninnermik suliaqartunit naleqqiullugit perorsaanermik ilinniarsimasutut taaneqarput.

*Meeqqat amerlassusiisa uuttuutaat meeqqanut paaqqinninnermik sulisunut naleqqiullugit*

Meeqqat amerlassusiisa uuttuutaattut meeqqanut paaqqinninnermik sulisunut agguaallugit taaneqarput. Kisitsineq ulluunerani neqeroorutit assigiingitsut akornanni sulisut meeqqallu amerlassusiisa katitigaanerisa sanilliunneqarsinnaanissaa pillugu suliarineqarpoq.

*Meeqqat 0-5-inut ukiullit ulluunerani neqeroorutini allatsissimasut amerlassusaat*

Pisortat ulluunerani neqeroorutaanni meeqqat allatsissimasut ukiup naalernerani innuttaasuni meeqqanut 0-5-inut ukiulinnut naleqqiullugit agguaqatigiissinnerannik taaneqarpoq. Kisitsinnermi meeqqat ukiui apeqqutaatinnagit atualinnginnermi ulluunerani neqeroorutini allatsissimasut tamakkerlugit ilaatinneqarput. Kisitsinnermilu meeqqat atualinnginnermi ulluunerani neqeroorutini qaammat januaarimi allatsissimasut aammalu meeqqat arfinilinnik amerlanernilluunniit ukiullit ilaatinneqarput.

**Misissuineq aammalu kukkunernut pissutaasut**

Atualinnginnermi ulluunerani neqeroorutini meeqqat sulisullu agguaaneri kontomit naatsorsuuseriviusumit kommunit naatsorsuuserivianninngaanneersumit atit aammalu paaqqinniffimmi imaluunniit ulluunerani neqeroorutini atit malinneqarput.

Meeqqat inuttut normui eqqortuunersut misissorneqarput, aammalu meeqqat allatsissimasut marloriaammik allaqqanersut misissorneqarput. Marlورياammik allatsissimasut ilaatinneqanngillat.

Sumiiffiup imaluunniit paaqqinnittarfiup ulluuneraniluunniit neqeroorutip atia eqqortuunersoq misissorneqarpoq.

Paaqqinnittarfiit sulisoqarnikkut nalunaarsuinikullu tamakkiisumik paaqqinnittarfittut ingerlasut amerlapput, meeqqat meeraaqqerivimmiutut imaluunniit meeqqerivimmiutut allatsissimagaluatut. Uanilu naatsorsuinnermi paaqqinnittarfiit taamaattut tamakkiisumik paaqqinnittarfittut ataatsimoortinneqarput.

Meeqqat ulluunerani neqeroorutini allatsissimasut amerlassusaannut kisitsinnermi meeqqat inuit allattorsimaffianni paaqqinnittarfimmi allatsissimanera najugarisami pineqartumiinnersoq misissorneqarpoq. Annertunngitsumik inunnik nalunaarsuiffimmi sumiiffimmut aammalu atualinnginnermi ulluunerani neqeroorutit sumiiffianut paasissutissani kukkunermik nikingassuteqartoqarpoq. Kukkusumik nikingassut maannamut

missiliorlugu 1-1,5 procenti annertuumik malunnaateqanngitsumik isigineqarpoq. Nikingasoqartillugu ulluunerani neqeroorut pineqartoq pingaarnertut paasissutissiisuvoq.

Atualinnginnermi paaqqinnittarfiit namminerisamik pigineqartut naatsorsuutini ilaatinneqanngillat. Naatsorsueqqissaartarfiulli atualinnginnermi paaqqinnittarfiit pingasut namminerisamik pigineqarlutik ingerlanneqartut 2014-imi, 2015-imi, 2016-imi, 2017-imilu Nuummi inissisimasut ilisimaarai. Taakku tamakkerlutik meeqqanik 60-80-inik allatsissimasuuteqarput. Nuna tamakkerlugu paaqqinniffiit namminerisamik pigineqartut meerartai naatsorsuutini ilaagaluarpata ulluunerani neqeroorutit amerlassusaannik kisitsineq missiliorlugu 1 procentpointinik annertunerussagalarpoq.

Ukiut eqimattakkaarnerini 0-5-inik ukiullit amerlassusaannut kisitsinermi meeqqat 0-inik ukiullit suli meeraaqqerivimmiinnissamut ukiunik angusaqarsimannngitsut kisitsinermi ilaatinneqarput. Ulluunerani neqeroorutit ataasiakkaat arfinilinnik amerlanernilluunniit ukiulinnik amerlasuunik allassimasuuteqarput. Tassungalu pequtaasinnaavoq atualernissap kinguartinneqarsimanera imaluunniit paaqqinnittarfiit (utaqqiisaagallartumik) atualinnginnermi ulluunerani neqeroorummit allaanerusumik, assersuutigalugu atuareernermi paaqqinnittarfittut ingerlataqarneranik peqquteqarsinnaalluni.

Atualinnginnermi ulluunerani neqeroorutini sulisut nalunaarsorneqarnerat pisortani atorfillit nalunaarsuiffiannit tunngaveqarpoq, naatsorsuutillu pineqartut tatiginassusaat aamma pisortani atorfillit nalunaarsuiffiata tatiginassusaanut atassuseqarpoq.

Kommuneqarfiit akornanni nerisat tungaatigut sulisullu allat saniatigut aaqquissuussinerit assigiinngissuteqarsinnaapput. Vikaarit suliffeqarfimmut ataatsimulluunniit siunertaqartumik nalunaagaasinnaasarpud. Suliffeqarfiit nerisat tungaatigut aaqquissuussinerat igaffinni ikiortinit ingerlanneqarsinnaasarpud nerisassiorfitsigulluunniit allatigut isumagineqartarluni.

---

Ilisarnaatinut nassuiaatit:

... Paasisutissat pigineqanngillat

.. Paasisutissat nalunaarsussallugit qularnarpallaarput mianersuuttariaqarpulluunniit

. Suliap pissusia tunngavigalugu kisitsisit saqqummersinneqarsinnaanngillat

0 Uuttuutigineqartup affaanit minneruvoq

- Nul

\* Kisitsisaagallartoq kisitsilluunniit eqqoriarneqartoq

Saaffigineqarsinnaavoq

Gorm N. Pedersen

E-mail: [gnpe@stat.gl](mailto:gnpe@stat.gl)

Pisortat aningaasaqarnerat

Naatsorsueqqissaartarfik

Postboks 1025 · 3900 Nuuk

Tlf.: +299 34 57 70 · Fax: +299 34 57 90

[www.stat.gl](http://www.stat.gl) · e-mail: [stat@stat.gl](mailto:stat@stat.gl)

